

官板

唐六典

八

止

74

6294

8



74
6294
8



大唐六典家令率更僕寺卷第二十七

唐 元宗御撰

集賢院學士兵部尚書兼中書令修國史上柱

國開國公臣李林甫等奉 敕注上

太子家令寺

家令一人

丞二人

主簿一人

錄事一人

府十人

去味均平藏



唐六典 卷二十七

史二十人

亭長四人

掌固六人

食官署

令一人

丞二人

府二人

史四人

掌膳十二人

供膳四百人

公引李林甫等奉 煉封土

學士吳濟尚書兼中書令封國史主林

書

大書 供膳四百人 史對在卷第二十七

奉彈三十人

大掌固四人

典倉署

令一人

丞二人

府三人

史五人

掌固四人

園丞二人

史二人

典事六人

司藏署

令一人

丞一人

府三人

史五人

典事四人

掌固四人

太子率更寺

令一人

丞一人

主簿一人

錄事一人

府三人

史四人

伶官師二人

漏刻博士二人

掌漏六人

漏童六十人

典鼓二十四人

亭長四人

掌固四人

太子僕寺

僕一人

丞一人

主簿一人

錄事一人

府三人

史五人

亭長四人

掌固四人

廐牧署

令一人

丞二人

府三人

史五人

典乘四人

典事六人

牧長四人

翼馭十五人

駕士三十人

獸醫二十人

掌固四人

太子家令寺家令一人正四品上

秦漢詹事屬官有太子家令丞張晏

云太子稱家故曰家令又王陵中書太子家令秩八百石後漢太子少傅屬官有太子家令秩一千石主倉穀飲食又領食官令丞魏因之晉家令品第五銅印墨綬進賢兩梁冠絳朝服此司農少府晉太康八年詔曰太子家令率更令僕東宮之達官也宜進品第三與中庶子二率同宋太子家令主內茵蓐牀几諸供中之物又知官奴婢月用錢內庫米鹽車牛刑獄齊因之自宋齊以來清流者不為之梁天監六年武帝以三卿陵替乃詔草之家令視通直宮視率更僕視黃門陳因之後魏太子三卿秩三品上太和二十二年降為從四品上北齊詹事領家令有丞功曹主簿領食官典倉司藏等三署令丞又領內坊令丞

隋家令寺掌別法食膳倉庫等事領食官典倉司藏三署令丞煬帝改為司府令皇朝復為家令龍朔二年改為宮府寺大夫咸亨元年復舊

丞二人從七品上

漢家令有丞後漢魏無聞宋書云家令丞一人晉代置宋齊因之梁

陳家令丞一人位不登十八班者別為七班家令丞七班後魏太和二十二年太子三卿丞從六品下北齊家令丞一人隋家令丞二人皇朝因之龍朔二年改為宮府丞咸亨元年復舊

主簿一人正九品下

晉家令置主簿宋齊因之齊職儀家令主簿一人四品勳位掌

總署諸曹事梁陳後魏無聞北齊家令有主簿員隋家令主簿一人皇朝因之

家令之職掌皇太子之飲膳倉儲庫藏之政令總食官典藏司藏三署之官屬凡皇太子備禮出入則乘輅車具威儀先諸臣以導引若祭祀賓客則供酒食

以為獻主。若進獻賜與，則奉金玉貨幣，而以法式贊之。凡宮坊府署廨宇，及牀几茵蓐席器物，不供於將作少府者，皆供之。

丞掌判寺事。凡食官典倉司藏之出納籍，以名數以時刺于詹事。凡莊宅田園，必審其頃畝，分其疆界，置于籍書。若租稅，隨其良瘠，而為收歛之數，以時入之。禁其逋違者。若宮朝坊府有土木營繕，則下於司藏，命典事以受之。

主簿掌印及句檢稽失。凡寺署之出入財物，役使工徒，則刺詹事。上于尚書，有所隱漏，言於司直。事若重

者，舉咨家令以啟聞。

食官署令一人，從八品下。

詹事屬官有食官令長丞，後太子少傅屬官有太子

食官令一人，秩六百石，主飲食。晉太子食官令，職如大官令。宋中庶子屬官有食官令，齊詹事屬官有太子食官令，齊職儀食官令一人，三品勳位，掌厨膳之事。梁庶子有食官局，陳因之。後魏太子食官令五品上。北齊食官令丞，又別領器局酒局二丞。隋家令事統食官令丞，皇朝因之。

丞二人，從九品下。

兩漢食官皆有丞。魏晉宋無聞。齊建元中，置食官丞四人。梁選部有

東官食官丞，為三品勳位。魏北齊太子食官丞一人。隋食官丞二人。皇朝因之。

食官令掌飲膳之事。丞為之貳。凡為酒醴，必辨其麴蘖黍稷秬稻之宜。陶器水火之用，以成乎沈浮清濁之良。凡為膳羞，必辨其牲牢禽獸之名物，割烹煎和

之制度以協乎五味五香之正然後可以供其享獻
焉凡四時之令節供進及設食得專營造不用啟聞
其六品已有官於家令厨食者元正冬至寒食亦供
焉左右廂牙前坐日職事官三品以上供十盤官臣
六參日二十五盤其食有餘賜左右春坊供奉官詹
事司直若非坐日供三盤丞判署事

典倉署令一人從八品下後漢太子少傅屬官有太子倉令一人秩六百石主

倉穀魏晉以下無聞後魏有太子倉令第五品中北齊家令寺領典倉署令丞典倉署又別領園丞隋家

令寺統典倉令皇朝因之

丞二人從九品下隋典倉丞二人皇朝因之

典倉署令掌九穀入藏之數及醢醢庶羞器皿燈燭
之事舉其名數而司其出納丞為之貳凡諸園圍樹
藝者皆受令焉每月籍其出納之數以上于寺歲終
則申詹事府凡戶奴婢及番戶雜戶皆給其資糧及
春冬衣服等數如司農給付之法若本司用不足者
則官給丞判署事

司藏署令一人從八品下晉家令有主物吏四人梁庶子屬官有錫賜庫局丞

又有東宮衛庫丞為三品勳位北齊家令寺領司藏署令丞司藏又別領仗軍典作二局丞隋家令寺統

司藏署令丞皇朝因之

丞二人從九品下隋有司藏丞二人皇朝因之

司藏令掌庫藏財貨出納營繕之法式凡諸司應納財物者皆受而藏之應出給者則監而付之其財物之出於庫藏無衆寡皆具其給賜之名數每月上寺歲終則以貨幣出入之數會之丞判署事

太子率更寺令一人從四品上

漢詹事府屬官有太子率更令丞後漢太子

子少傅屬官有太子率更令秩千石主庶子舍人更直職似光祿勳魏因之晉詹事屬官有太子率更令一人銅印墨綬進賢兩梁冠絳朝服掌宮殿門戶之禁郎將屯衛之士局擬光祿勳衛尉太康八年進品第五宋齊因之梁率更令視黃門陳因之後魏太和二十二年為從四品上北齊詹事率更令有丞功曹主簿領中盾署令丞各一人掌周衛禁防漏刻鍾鼓隋率更寺令一人皇朝因之龍朔二年改為司更大夫咸亨元年復舊

丞一人從七品上

後漢率更丞二人秩四百石魏晉宋齊梁陳皆二人後魏太子三卿

丞從六品下北齊隋皆一人皇朝因之

主簿一人正九品下

晉率更令置主簿一人宋代無

品勳位梁陳後魏無聞北齊隋太子率更寺主簿一人皇朝因之

率更令之職掌宗族次序禮樂刑罰及漏刻之政令凡皇太子釋奠於先聖先師講學齒胄皆總其儀注而為之導引若皇太子備禮出入則乘輅車位亞家令焉凡張樂軒縣之制鼓鐔鐘之虞三編鐘之虞三編磬之虞二凡九虞每位各建鼓凡三人祝敵二人鐘磬虛各六人每編鐘下笙竽笛篪埙各一人每編

唐六典 卷二十七
磬下歌二人。琴瑟箏筑各一人。文武二舞各六佾。其
奠虞皆金。三博山飾以崇牙流蘇樹羽。其樂器應漆
者皆朱漆之。鐃鼓節鼓朱漆。畫加五綵重蓋。大鼓小
鼓及餘鼓吹並朱漆。羽葆鼓飾以羽葆。長鳴短鳴大
小橫吹五綵幡。緋掌畫豹。五綵腳大角幡亦如之。其
大鼓長鳴大橫吹節鼓及橫吹後笛簫篳篥筚篥等工
人皆服緋地苴文袍袴及帽。金鉦剛鼓皆加六角紫
繖。小鼓中鳴等小橫吹及鐃及橫吹後笛簫篳篥筚篥
等工人皆服青地苴文袍袴及帽。鐃及簫筚篥工人服
並武弁朱構衣草帶。大角工人平巾幘。緋衫白布大

口袴。凡鐘鼓新成。並以羊豕各一爨之。若皇太子親
戎。則以豨豚以爨鼓。教樂。淫聲凶聲慢聲皆禁之。凡
漏刻。令博士以教之。掌漏以典之。漏童司刻分。時以
唱之。晝夜之刻百。冬至則晝四十夜六十。夏至則晝
六十夜四十。春秋分則晝夜五十。凡諸坊寺府之有
犯者。令其主司定罪。庶人杖以下。決之。官吏杖以下
皆送於大理。若皇太子未立。及已立未卽東宮。其宮
坊寺府之犯罪者。皆斷於大理。

丞掌判禮樂刑獄之事。凡宮臣有犯。理于率更者。皆
親問之。乃斷其罪。而上於詹事。

主簿掌印及勾檢稽失。凡宗族不序，禮儀不節，音律不諧，漏刻不審，刑名不法，皆舉而正之。若所司決囚，與其丞同監之。

太子僕寺僕一人，從四品。

漢詹事屬官有太子僕長丞，後漢太子少傅屬官有

太子僕一人，秩千石，主車馬，職如太僕。太子五日一朝，非入朝日，遣僕及中允朝朝入請問起居。魏因之。晉詹事屬官有太子僕，銅印墨綬，進賢兩梁冠，絳朝服。主與馬親族局擬太僕，宗正、太康八年進品第五。宋齊品秩冠服同家令寺，從駕乘安車。次家令，梁太子僕視黃門，陳因之。後魏品同家令，北齊詹事領太子僕，僕寺置丞功曹主簿，領廐牧署丞，又別有車輿局丞，隋僕寺僕一人，掌宗族親疏，車輿騎乘，領廐牧署令丞，皇朝因之。龍朔二年改爲馭僕大夫，咸亨元年復舊。

丞一人，從七品上。

梁太子僕有丞，陳因之。後魏太子僕三卿丞從六品下。北齊隋太子

僕丞一人，皇朝因之。

主簿一人，正九品下。

晉太子僕置主簿，宋無聞。齊職儀太子僕主簿四品勳位。梁陳

後魏無聞。北齊隋太子僕主簿一人，皇朝因之。

太子僕之職，掌車輿騎乘儀仗之政令，及喪葬之禮物，辨其次叙，與其出入而供給之。皇太子之車輅三：一曰金輅，二曰輅車，三曰四望車，金輅赤質，金飾諸末，重較箱，畫莖文鳥獸，黃屋伏鹿龍輶，金鳳一在軾前，設障塵，朱蓋黃裏，畫輪朱牙，左建旗九旒，右載闌戟，旂首金龍頭，銜結綬及給綬，駕赤駟四，八鑾在衡，二鈴在軾，金鑿方鈇，翟尾五焦，鏤錫鞶纓九旒，從祀

享正冬大朝納妃則供之。輅車金飾諸末紫油通轆。紫油纁朱裏。駕一馬。五日常朝及朝饗宮臣出入行道則供之。四望車金飾諸末紫油通轆。紫油纁朱裏。朱絲絡網。駕一馬。弔臨則供之。凡皇太子備禮而出則率廐牧令進輅。僕親馭焉。
丞掌判寺事。凡車輿儀仗有虧闕則移於主司以修補之。凡馬及雜畜之料應供於外司者。每歲季夏上于詹事。芻粟貯掌於廐所者。以時出入而節其數。主簿掌印及勾檢稽失。凡廐牧之畜養車騎之駕馭儀仗之付受喪葬之供給各有其程。違則糾正之。

廐牧署令一人從八品下

漢詹事屬官有太子廐長丞。後漢太子少傅屬官有

太子廐長一人。秩四百石。主車馬。魏晉因之。齊職儀云。東宮屬官有內廐局外廐局。梁陳因之。後魏有太子廐長。從九品下。隋太子僕寺統廐牧署令丞。皇朝因之。

丞二人從九品下

漢有太子廐丞。自後闕文。齊置太子廐丞。各一人。梁陳因之。

北齊有太子廐牧署丞。車輿局丞。隋太子僕寺統廐牧丞二人。皇朝因之。

廐牧署令丞掌車馬閑廐牧畜之事。凡皇太子將備禮而出則率典丞先期調習輅馬。率駕士駕馭車乘。及出則進輅或輅車於南國外。西向以候皇太子之升。禮畢皇太子降輅則自西閣之外。以輅及輅歸於署。其隴右羣牧隸於東宮者皆受其政令焉。

唐六典卷二十七終

大唐六典太子左右衛及諸率府卷第二十八

唐 元宗御 撰

集賢院學士兵部尚書兼中書令修國史上柱

國開國公臣李林甫等奉 敕注上

太子左右衛率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府一人

史二人

兵曹參軍事一人

府二人

史三人

冑曹參軍事一人

府二人

史二人

亭長二人

太掌固三人

司階五人

中候二人

司戈二人

執戟三人

左右率府親府勳府翊府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人

太子左右司禦率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府一人

史二人

兵曹參軍事一人

府二人

史三人

冑曹參軍事一人

府二人

史三人

亭長二人

掌固二人

司階一人

中候二人

司戈二人

執戟三人

太子左右清道率府

率各一人

副率二人

長史一人

錄事參軍事一人

錄事一人

史二人

倉曹參軍事一人

府二人

史二人

兵曹參軍事一人

府二人

史三人

胄曹參軍事一人

府二人

史二人

亭長二人

掌固二人

司階一人

中候二人

司戈二人

太執戟三人

太子左右監門率府八

率各二人

副率二人

長史一人

錄事參軍事一人

錄事一人

史二人

兵曹參軍事一人

府二人

史二人

胄曹參軍事一人

府二人

史二人

亭長一人

掌固二人

監門直長七十八人

太子左右內率府

率各一人

副率一人

長史一人

錄事參軍事一人

錄事一人

史七人

兵曹參軍事六人

府一人

史二人

胄曹參軍事一人

府一人

史一人

亭長二人

掌固二人

千牛十六人

備身二十八人

主仗六十人

太子左右衛率府率各一人正四品上

秦漢詹事屬官有太子衛

率後漢為少傅屬官秩四百石主門衛士魏因之晉初為衛率太始五年分為左右二率惠帝為太子加置前衛率愍懷在東宮又加後衛率故元康之中凡四衛率成都王為太弟又置中衛率是為三率凡太子出前衛率導在前黃麾外左右二率從夾導輿車後衛率從在烏皮外並載戟執刀四率各丞一人服

視左右衛將軍品第五位同中庶子過江省前後率梁孝武帝復置宋又省齊左右衛率武冠絳朝服品第五秩千石梁位視御史中丞左衛率領果毅統遠立忠建寧陵銘夷寇祚德等七營右衛率領從榮永吉崇和細射等四營陳因之後魏太和二十二年太子左右衛率從第三品北齊有太子左右衛坊率後周東宮官員有司成司武司衛之類至隋文帝始分置左右衛率左右宗衛率左右虞候開府左右內率左右監門率凡十府以備儲闈武衛之職煬帝改左右衛率為左右侍率皇朝復為左右衛龍朔二年改左右衛府為左右典戎衛咸亨如故掌統東宮二寺十率府之事舉其紀綱而修其職務焉

龍朔咸亨隨衛改復

副率各二人從四品上

隋文帝置煬帝改為左右侍副率皇朝復為左右衛副率

左右衛率掌東宮兵仗羽衛之政令以總諸曹之事凡親勳翊府及廣濟等五府屬焉副率為之貳凡元

正冬至皇太子朝宮苑諸坊使則率衛府之屬以儀仗為左右廂之周衛若皇太子備禮出入則如鹵簿之法以從每月親勳翊三府之衛及廣濟等五府之超乘應番上者配于所職

長史各一人正七品上

隋置皇朝因之

錄事參軍事各一人從八品上

隋置皇朝因之

倉曹參軍事各一人從八品下

隋置皇朝因之

兵曹參軍事各一人從八品下

隋置皇朝因之

胄曹參軍事各一人從八品下

隋置為鎧曹皇朝因之長安中改為胄曹

參軍神龍初復為鎧曹太極中又為胄曹

司階各一人從六品上

中候各二人從七品下

司戈各二人從八品下

執戟各三人從九品下

長史掌判諸曹及三府五府之事凡府事大事則從其長小事則專達季秋以其屬官之狀上於率而為之考課

錄事參軍事掌監印發付勾稽

倉曹掌親勳翊三府廣濟等五府文官之簿書凡勳階考課假賜祿賜及公廨財物田園食料皆典之

兵曹掌親勳翊三府廣濟等五府武官親勳翊衛士之名簿及其番上差遣之法凡上番者皆受其名簿而咨配于率兼置公私馬及雜畜之簿帳

胄曹掌親勳翊三府廣濟等五府器械諸公廨繕造之物事凡大朝會行從應請戎仗者則具其名數受之於主司既事而歸之

左右率府親府勳府翊府中郎將各一人從四品上中郎將之說已具上左右衛梁左衛率領七營右衛率領四營二率各領殿中將軍十人員外將軍十人又有正員司馬員外司馬屯騎步兵翊衛三校尉謂之二校旅賁中郎將并從僕射謂之二將又有左右積弩將軍各一人北齊太子左右衛坊率各領騎官備身員又有內直備身正副都督備身二職等員又

有直閣直前直後員又有旅騎屯衛典軍等校尉各二人騎都尉三十人隋左右衛率下有直閣四人直寢八人直前直後各十人皇朝左右衛率各置親勳翊親府每府中郎將二人郎將二人掌其府校至旅帥及親勳翊衛之屬以宿衛

左右郎將各一人正五品下皇朝置

中郎將郎將掌其府校尉旅帥及親勳翊衛之屬以宿衛而總其府事

兵曹掌判勾若大朝會及皇太子備禮出入則從鹵簿之法而監其羽儀

太子左右司禦率府率各一人正四品上隋文帝置左右宗衛率各一人副率二人掌領宗人侍衛職擬左右領軍將軍加置行參軍二人煬帝改為左右武待率皇朝

復為左右宗衛龍朔二年改為左右司禦衛率府神龍初又為宗衛開元初復為左右司禦率衛

副率各二人從四品上隋文帝置皇朝因之其後改復皆隨於府

左右司禦率府率長同左右衛率副率為之貳郊城等三府之旅賁應番上者各配于所職

長史各一人正七品上

錄事參軍事各一人從八品下

倉曹參軍事各一人從八品下

兵曹參軍事各一人從八品下

胄曹參軍事各一人從八品下隋置左右虞候開府初無錄事有長史及

四曹參軍至煬帝改為率府始置錄事皇朝因之餘具上說

司階各一人從六品上八品下

中候各二人從七品下八品上

司戈各二人從八品下

執戟各三人從九品下

長史掌判諸曹及郊城等三府之事餘皆如左右率

府

太子左右清道帥府率各一人正四品上隋文帝置

各開府一人掌斥候非違職擬左右金吾將軍煬帝改為左右虞候率又各置二人皇朝因之龍朔二年改為左右清道衛神龍初又為虞候率府開元初復為清道率府

副率各二人從四品下隋煬帝置皇朝因之龍朔開元隨府改復

左右清道率府率掌東宮內外晝夜巡警之法以戒不虞凡絳邑等三府皆屬焉副率為之貳凡皇太子出入則領其屬以清游隊為之先以後拒隊為之殿其餘依鹵簿之法以從凡仗衛之出入置細引以導之兼為之糾正凡五十人用左右率之親勳翊衛為之分為五番每番有主帥及中郎或左右郎將以一人領焉每月絳邑等府之直盪應番上者配于所職

長史各一人正七品上

錄事參軍事各一人從八品上

倉曹參軍事各一人從八品下

兵曹參軍事各一人從八品下

胄曹參軍事各一人從八品下

司階各一人從六品上漢天門之法以爲其

中候各二人從七品下漢門以出入之禁皇太子出

司戈各二人從八品下

執戟各三人從九品下

長史掌判諸曹及絳邑等三府之事餘如左右率府

太子左右監門率府率各一人正四品上隋文帝置左右監門

率各一人副率各二人掌諸門禁擬左右監門將軍各有直長十人煬帝改爲左右監門將軍降爲正五品皇朝復改爲監門率龍朔二年改爲左右從掖衛咸亨復舊垂拱中改爲鶴禁衛神龍初復舊

副率各二人從四品上

隋文帝置正五品皇朝因之龍朔開元隨府改復

左右監門率府率掌東宮諸門禁衛之法副率為之
貳凡東宮諸司應以籍入于宮殿者皆本司具其官
爵姓名以牒門司門司送于監門監門之主與判曹
印署復送于門司門司會之同則聽入凡東宮內外
門之守者並司其出入凡財物器用之出入于宮禁
者皆以籍傍為據左右監門以出入之若皇太子出
入則依鹵簿之法率其屬於牙門之左右以為捍守
長史各一人從七品上
錄事參軍事各一人正九品上

兵曹參軍事各一人正九品下

胄曹參軍事各一人正九品下

隋置左右監門率有長史以下等員無倉

曹以兵曹兼掌其事皇朝因之

長史掌判諸門禁衛之事

錄事參軍事掌印兼勾稽失

兵曹兼倉曹之職餘皆如左右率府其諸司籍傍判
於監門者檢其官爵姓名年貌監其器物檢其名數
月終諸門之籍傍歸於府者則會其出入之數
胄曹掌器械及公私馬驢雜畜土木繕造之事凡諸
府直馬配於監門監門之巡探者則請其料歸於馬

主禁其隱歿棄遺者

太子左右內率府率各一人正四品上

隋文帝置左右率副率領

東宮千牛備身侍奉之事職擬千牛將其下備身有千牛備身八人掌執千牛刀備身左右十六人掌供奉弓箭備身二十人掌宿衛侍從煬帝降內率為正五品皇朝因之加至四品上龍朔二年改為左右奉

御率神龍初復舊

副率各一人從四品上

隋置皇朝因之龍朔神龍隨府改復

左右內率府之職掌東宮千牛備身侍奉之事而主其兵仗總其府事而副率為之貳以千牛執細刀弓箭以備身宿衛侍從以主仗守戎服器物凡皇太子坐朝則領千牛備身之屬升殿若射于射宮則率領

其屬以從位定千牛備身奉細弓及矢立於東階上西面率奉弓副率奉矢及決拾北面張弓左執弣右執簫以進副率以巾拂矢而進進訖各退立於位及射左右內率啟其矢中及不中既事受亦如之長史各一人從七品上

錄事參軍事各一人正九品上

兵曹參軍事各一人正九品下

胄曹參軍事各一人正九品下

隋置左右內率有長史以下等員無兵曹

皇朝置之

長史掌判諸曹官吏及千牛備身之事餘如左右率

府

錄事參軍事掌印兼勾簿書及其勳階考課稽失

兵曹掌文武官及千牛備身之簿書及其勳階考課

假使祿奉之事

胄曹掌細引仗及羽儀之物自千牛以下各分而典

之

唐六典卷二十八終

大唐六典諸王府公主邑司卷第二十九

唐史元宗御撰

集賢院學士兵部尚書兼中書令修國史上柱

國開國公臣李林甫等奉 敕注上

親王府

傅一人

諮議參軍事一人

友一人

文學二人

東閣祭酒一人

西閣祭酒一人

長史一人

司長一人

掾一人

屬一人

主簿一人

史二人

記室參軍事一人

史二人

大書錄事參軍事一人

府一人

史二人

功曹參軍事一人

府一人

史二人

倉曹參軍事一人

府一人

史二人

戶曹參軍事一人

府一人

史二人

兵曹參軍事一人

府一人

史二人

騎曹參軍事一人

府一人

史二人

法曹參軍事一人

府一人

史二人

士曹參軍事一人

府一人

史二人

參軍事二人

行參軍事四人

典籤二人

錄事一人

親事府

典軍二人

副典軍二人

府一人

史二人

執仗親事十六人

執乘親事十六人

親事三百三十三人

校尉旅帥隊正隊副準人部領

帳內府

典軍二人

副典軍二人

府一人

史二人

帳內六百六十七人

校尉旅帥隊正隊副準人部領

親王國

國令一人

大農二人

尉二人

丞一人

錄事一人

府五人

史十人

典衛八人

舍人四人

學官長食官長丞各一人

廐牧長丞典府長丞各二人

公主邑司

令一人

丞一人

錄事一人

史八人

主簿二人

謁者二人

舍人二人

家史二人

親王府傅一人從三品

漢高祖初置諸侯王有太傅輔導王後漢書傅秩二千石

魏晉因之宋齊梁陳皆為師後魏始藩王二藩王三藩王各有師傅北齊唯置師隋皇叔昆弟皇子為親王者置師皇朝因之開元初改為傅

諮議參軍事一人正五品上

晉氏公府置諮議參軍事蓋取諮詢謀議軍事也宋齊因之梁陳諸王公府及位從公開府者及皇弟皇子皇庶子府各有諮議參軍員隋三公府及諸王府各有諮議參軍

正五品上皇朝因之

友一人從五品下

漢東平憲王為驃騎將軍辟杜撫以為西曹掾尋以為師友魏晉諸

王置友一人宋齊因之

品第六進賢一梁冠絳朝服

梁皇弟皇子府友各一人

班第八正六品陳因之後

魏諸王友從四品下

北齊皇子置友一人第五品上隋為從五品下

文學二人從六品上

漢氏公府州郡並有文學魏陳諸王始有文學員晉宋齊梁陳

皆因之班第五從七品後魏太和末六品上北齊

因之隋親王府有文學二人後六品上皇朝因之

東閣祭酒西閣祭酒各一人從七品上

晉初位從公以上并置東閣西閣祭酒宋齊梁陳後魏北齊皆相因親王府及

嗣王上柱國府各有東西閣祭酒從七品上皇朝因

之

王傅掌傅相訓導而匡其過失

諮議掌計謀左右參議庶事

友掌陪侍遊居規諷道義

文學掌讐校典籍侍從文章

祭酒掌接對賢良導引賓客

長史一人從四品上

漢相國丞相有兩長史秩千石後漢三公府各有長史員魏太

祖吳長沙相王府因之宋齊諸王領藩鎮者有長史

品第六秩千石銅印墨綬進賢兩梁冠絳朝服梁陳

公府并有長史後魏北齊亦同隋親王嗣王

郡王各有長史皇朝因之嗣王郡王則不置

司馬一人從四品下

司馬古主兵之官也宋齊諸王領鎮者各有司馬梁陳後魏北

齊隋并與長史同置皇朝因之

掾一人正六品上

漢氏三公大將軍御史大夫並有掾屬員西漢辟召皆上言之故東

西曹掾比四百石餘曹比三百石其屬並二百石後漢皆自辟除不復上言故通降為百石品秩雖下優

禮甚宏三公乃天子之股肱掾屬則三公之喉舌也故三府掾乃言行之本禍福之主及其遷除或周月而長州郡或數年而至公卿魏晉相因置多者或至數十人江左以來諸公置掾二人其加崇者置四人掾屬常敦明教義肅清風俗非禮不言非法不行以訓羣吏宋齊梁陳後魏北齊公府皆有掾屬隋氏三師三公不開府國王嗣王郡王府有掾屬一人皇朝因之

屬一人正六品上漢魏以來與掾同置過江之後則為曹名諸公置戶曹屬一人其加

崇者置倉曹屬一人梁陳諸公皇子皇弟府並有屬後魏北齊三師三公府各有屬隋親王府有屬一人

因之皇朝

主簿一人從六品上漢三公府有黃闔主簿省錄衆事魏晉以下皆有梁陳諸公皇

弟皇子府各有主簿後魏皇子主簿從六品北

齊諸王皆有主簿隋親王府二人皇朝置一人

史二人皇朝因隋置餘史並同

記室參軍事二人從六品上漢三公及大將軍皆有記室令史主上章表奏

執書記魏太祖輔漢以陳琳阮瑀管記室軍國書檄

多二人所作晉氏諸公及位從公以上並有記室員

宋諸公府有記室參軍事梁陳公府及王府皆有記

室參軍北齊因之隋親王府及嗣王府有記室參軍

因之皇朝

錄事參軍事一人從六品上晉元帝初為鎮東大將

陳王府有中錄事參軍及錄事各一人後魏亦同北

齊因之隋親王府有錄事參軍一人皇朝因之

錄事一人從九品下

功曹參軍事一人正七品上漢魏晉宋齊梁陳後周

魏太和末諸王府並有功曹員隋氏親王嗣王府有

功曹參軍煬帝改為功曹書佐皇朝復為功曹參軍

倉曹參軍事一人正七品上漢魏晉宋齊梁倉曹參

曹參軍煬帝改為倉曹書佐皇朝復為倉曹參軍

戶曹參軍事二人正七品上

後魏隋氏並與倉曹同置

兵曹參軍事一人正七品上

梁陳王府有中兵曹參軍中直兵曹參軍各一

人後魏有皇子府中兵參軍始藩王二藩王有兵曹參軍北齊皇子府有中兵外兵參軍隋親王府

有兵曹參軍煬帝改為兵曹書佐皇朝復為兵曹參軍

騎曹參軍事一人正七品上

隋親王府有騎曹參軍一人煬帝改為騎

曹書佐皇朝復故

法曹參軍事一人正七品上

梁陳後魏諸王府隋親王府並有法曹行

參軍煬帝改曰法曹行書佐皇朝復舊

士曹參軍事一人正七品上

後魏諸王府隋親王府皆有士曹行參軍煬帝

改為士曹行書佐皇朝復舊

參軍事二人正八品下

漢末三公府有參軍事如孫堅參騎軍事荀彧參丞相軍

事是也魏武帝征荊州請邯鄲淳參軍事自晉宋以來代有其任梁選部皇弟皇子府有正參軍後魏有

皇子參軍北齊因之隋親王府有參軍六人長兼行參軍八人煬帝改為行書佐皇朝復為參軍四

人今減二人六曹以下官吏三府並同其雜使又有執刀二十五人典獄十八人問事十二人白直二十

人

行參軍四人從八品上

晉氏加置行參軍以自辟名故曰行也宋齊梁陳皆有之

梁選部嗣王府行參軍降正王府一階隋親王府王

府並有長兼行參軍煬帝改為長兼行書佐皇朝改

為行參軍典籤二人從八品下

齊職儀云諸公領兵局有典籤三人隋親王府嗣王府上柱國

柱國府上大將軍將軍府各有二人皇朝因之

長史司馬掌統理府寮紀綱職務

掾掌通判功曹戶曹倉曹事

屬掌通判兵曹騎曹法曹士曹事

主簿掌覆省王教

記室掌表啟書疏

錄事參軍掌付書事勾稽省署鈔目

錄事掌受事發辰兼勾稽失

功曹掌文官簿書考課陳設儀式等事

倉曹掌廩祿請給財物市易等事

戶曹掌封戶田宅僮僕弋獵等事

兵曹掌武官簿書考課儀衛假使等事

騎曹掌廐牧騎乘文物器械等事

法曹掌推按欺隱決罰刑獄等事

士曹掌公廨舍宇繕造工徒等事

參軍事掌出使及檢校事

典籤掌宣傳教令事

親王親事府典軍二人正五品上

齊職儀諸公領兵職局有庫典軍七職二人倉典軍七職二人又有舡官典軍筭筭典軍樵炭典軍等員皇朝因其名而置多以文官員及流外為之

副典軍二人從五品上

執仗親事十六人正八品上

以上並皇朝置

執乘親事十六人正八品上

親王帳內府典軍二人正五品上

齊職儀諸公領兵職局有車廄典軍

五品二人馬典軍五品二人又有驤倉典軍炭屯典軍樵屯典軍皇朝因其名而置

副典軍二人從五品上府一人史一人帳內六百六

十七人

並皇朝置

親事府典軍副典軍掌領校尉以下守衛陪從事

執仗掌執弓仗

執乘掌供騎乘

親事掌儀衛事

校尉旅帥隊正隊副掌領親事陪從帳內府典軍副

典軍掌領校尉以下儀衛陪從事

帳內掌儀衛

校尉旅帥隊正隊副掌領帳內陪從事

親王國國令一人從七品下

隋置皇朝因之

大農二人從八品下

漢諸侯王國置大司農晉諸王國置大農與郎中令中尉為三

卿宋齊梁陳北齊王國並有大農隋置一人皇朝因之

尉二人正九品下

漢諸王國有王尉魏晉宋齊梁陳北齊並有中尉隋因為尉皇朝因

之

丞一人從九品下錄事一人府五人史十人以上並皇朝置

典衛八人漢諸王國有衛士長有衛士侍衛晉諸王國有典衛令宋齊梁陳北齊並有隋王國

有典衛八人皇朝因之

舍人四人陳北齊王國皆有舍人隋王國有舍人四人皇朝因之

學官長一人晉宋齊梁陳王國並有學官令隋有學官長皇朝因之

食官長一人丞一人宋齊梁陳北齊王國並有食官長隋親王國有食官長丞各一

人皇朝因之

廐牧長二人丞一人漢諸侯王國有太僕武帝改曰僕晉宋王國置牧長南齊北齊

為廐牧長隋置長丞各一人皇朝因之

典府長二人丞二人晉氏王國有典府丞梁陳北齊亦因之隋置長丞各一人皇朝

因之

國令大農掌通判國司事

國尉掌分判國司事

國丞掌付事勾稽省署鈔目監印給紙筆事上

典衛掌守衛居宅事

舍人掌供引納驅策事上

學官掌教授內人事

食官掌營造膳食事

廐牧掌知畜牧牛馬事

典府掌知府內雜事

公主邑司令一人從七品下

漢書百官表宗正屬官有公主家令公主所食

曰邑晉太康中為長山長公主置家令一人宋齊以後時有其職隋氏復置皇朝因之神龍初公主府並同王府置官屬景雲初罷之

丞一人從八品下

晉起居注云太康十一年詔曰南郡公主家令丞缺何以不補隋有

其職皇朝因之

錄事一人從九品下

皇朝因隋置

公主邑司官各掌主家財貨出入田園徵封之事其制度皆隸宗正焉

唐六典卷二十九終

大唐六典三府督護州縣官吏卷第三十

唐元宗御撰

集賢院學士兵部尚書兼中書令修國史上柱

國開國公臣李林甫等奉 敕注上

京兆河南太原三府官吏

大都督府中都督下都督官吏

上州中州下州官吏

京縣畿縣天下諸縣官吏

大都護上都護府官吏

鎮戍嶽瀆關津官吏

京兆河南太原府牧各一人從二品昔舜分九州為十二州始置十

二牧大禹鑄鼎貢金九牧周禮入命作牧秦分天下為三十六郡京為內史漢武帝改為京兆尹秩二千

石後漢都洛陽為河南尹魏晉因之歷代所都皆為尹江左為丹陽尹北齊為青都尹後周及隋復為京

兆尹始秦分天下令御史監郡漢省之丞相遣史分刺諸州武帝初置郡刺史十三人掌奉詔條察州秩

六百石類今之十道使也又置司隸校尉部三輔三河宏農類今之京畿按察使也成帝更名刺史為牧

秩二千石後漢復為刺史後復為牧魏晉以下皆為刺史晉武帝罷司隸校尉置州牧江左為揚州刺

史後魏北齊皆為司州牧後周置雍州牧隋因之大業三年置州郡京兆河南皆為尹則兼牧之任矣

置都亦為牧開元初復為京兆河南尹

尹一人從三品漢京兆尹有都尉丞皆詔除都尉比

都尉州又置別駕治中皆刺史自辟除魏晉以下皆因之隋文帝置郡以州統縣改別駕治中為長史司

馬煬帝罷州置郡罷長史司馬置贊治後改為丞又置通守以貳太守京兆河南等為內史皇朝置雍州別駕永徽中改為長史正四品下開元初改長史為尹從三品然親王為牧皆不知事職務總歸于尹亦漢氏京尹之任也

少尹二人從四品下魏晉以下有治中隋文帝改為

皇朝復曰治中後避高宗諱改曰司馬煬帝改為贊治後改為丞

司錄參軍事二人正七品上漢魏以來及江左郡有

之任也皆太守自辟除後魏北齊後周隋氏州皆有錄事參軍及置郡以州統縣皆吏部選除煬帝罷州

置錄事參軍開元初改為司錄參軍

錄事四人從九品上隋置京兆錄事

功曹參軍事二人正七品下漢魏以下司隸校尉及

曹兵曹等員北齊諸州有功曹倉曹中兵外兵甲曹法曹士曹左戶等參軍事隋諸州有功曹戶曹兵曹等參軍事法曹事曹行參軍郡有西曹金曹戶曹兵曹法曹士曹等及罷郡置州以曹為名者改曰司湯帝罷州置郡改司功司倉司戶司兵司法司士等為書佐皇朝因其六司而改書佐為參軍事開元初為功曹

參軍 府六人 史十二人 倉曹參軍事二人 正七品下 北齊諸州有倉曹參軍事隋文帝改為司倉參

軍煬帝改為司倉書佐 府八人 史十六人 皇朝復為倉曹參軍

戶曹參軍事二人 正七品下 漢魏以來州郡皆有戶曹參軍文帝改為司戶參軍煬帝為司戶書 府十一

佐皇朝因為司戶參軍開元初為戶曹參軍 人 史二十二

人 史二十二人

帳史一人 景雲初置

兵曹參軍事二人 正七品下 漢魏以下諸州皆有兵曹或為中兵外兵騎兵

北齊以下改復 府九人 史十八人 並與功曹同

法曹參軍事二人 正七品下 漢魏以下州郡有賦曹決曹椽或法曹或墨曹

自隋以下改復 府九人 史十八人 復並與上同

士曹參軍事二人 正七品下 北齊諸州有士曹行參軍以下改復並與上同

府七人 史十四人

參軍事六人 正八品下 註見王府參軍文下

執刀十五人

典獄十八人

問事十八人

白直二十四人

經學博士一人從八品上助教二人魏晉以下郡國並有文學即博士助教之任

並皇朝置學生八十人皇朝置

醫學博士一人助教一人開元初置醫學生二十人貞觀初置

大都督府都督一人從二品魏黃初二年始置都督諸州軍事或領鎮戎總

夷校尉三年上大將軍曹員都督中外諸軍事司馬宣王征蜀加號大都督自此之後歷代皆有至隋改

為總管府皇朝武德四年又改為都督府貞觀中始改為上中下都督府

長史一人從三品秦漢邊郡有長史魏晉以來諸州皆有別駕治中至北齊八命七命

六命州刺史各有長史隋九等州亦有長史開皇三年改雍州別駕為長史煬帝罷州置郡又改為別駕

唯都督府則置長史永徽中始改別駕為史大都督府長史仍舊正四品下開元初始增其秩

司馬二人從四品下北齊及隋九等州各有司馬開皇三年改雍州贊治為司馬皇

朝改郡為州各置治中一人其都督府則置司馬永徽中改治中為司馬

錄事參軍事二人正七品上

錄事二人從九品上史四人

功曹參軍事一人正七品下府四人史六人

倉曹參軍事二人正七品下府四人史八人

戶曹參軍事二人正七品下府五人史十人帳史一人

兵曹參軍事二人正七品下府四人史八人

法曹參軍事一人正七品下府四人史八人

士曹參軍事一人正七品下府四人史八人

參軍事五人正八品下

執刀十五人

典獄十六人

問事十人

白直二十二

市令一人從九品上

漢代諸郡國皆有市長晉宋以來皆因之隋氏始有市令皇朝

初又加市丞戶四萬以上者省補市令丞一人佐一人史二人帥三人

倉督二人史四人

北齊九等州縣各有倉督員隋因之

經學博士一人從八品上助教二人學生六十人

醫學博士一人從八品下助教一人學生十五人

若中下都督府戶滿四萬人以上者官員同此唯減司馬一人

中都督府都督一人正三品

別駕一人正四品下

漢司隸校尉有別駕從事校尉一人行部則奉引主錄衆事舊

解以為別乘傳車故曰別駕諸州制史亦有之元帝時條州大小為設吏員別駕治中諸郡從事秩皆百石後漢改曰別駕從事史三國因之晉代諸州各置別駕治中從事史一人宋齊梁陳後魏周陳因而不改皇朝因之永徽中改別駕為長史垂拱初又置別駕員多以皇家宗枝為之神龍初罷開元初復置始通用庶姓焉

長史一人正五品上

司馬一人正五品下

錄事參軍事一人正七品下

錄事二人從九品上史四人

功曹參軍事一人從七品上府三人史六人

倉曹參軍事一人從七品上涼州皆一人仍加府三

人史六人

戶曹參軍事一人正七品上府四人史七人帳史一

人

兵曹參軍事二人從七品上府四人史八人若管內無軍團

雖有軍團唯管三州以下者省兵曹一人

法曹參軍事一人從七品上府四人史八人

士曹參軍事一人從七品上府三人史六人

參軍事四人從八品上

執刀十五人

典獄十四人

問事八人

白直二十人

市令一人從九品上丞一人佐一人史二人帥三人

倉督二人史四人

經學博士一人從八品下助教二人學生六十人

醫學博士一人正九品下學生十五人下都督府戶滿二萬以上

者官員亦準此

下都督府都督一人從三品戶不滿二萬為下都督

別駕一人從四品下

長史一人從五品上

司馬一人從五品下

錄事參軍事一人從七品上

錄事二人從九品上史三人

功曹參軍事一人從七品下府二人史二人州管戶不滿二

萬者不置功曹其事隸入倉曹

倉曹參軍事一人從七品下府三人史六人

戶曹參軍事一人從七品下府四人史七人長史一人

兵曹參軍事一人從七品下府三人史六人

法曹參軍事一人從七品下兼掌士曹事府三人史六人

參軍事三人從八品下管戶不滿一萬者省一人

執刀十五人

典獄十二人

問事六人

白直十六人

市令一人從九品上丞一人佐一人史二人帥二人

倉督二人 史三人

經學博士一人 從八品下 助教一人 學生五十人 邊若

遠僻小州不滿五千戶者四分減一

醫學博士一人 助教一人 學生十二人

上州 凡戶滿四萬 刺史一人 從三品 秦置御史監郡漢初省之丞相

遣史分刺諸州亦不常置至武帝元光三年初置郡

刺史十三人掌奉詔條察諸州秋冬入奏居無常所

後漢則皆有定所屬官有別駕治中主簿功曹從事

諸曹掾等員皆自辟除以刺眾官及萬人非違故謂

之刺史自漢魏以來或為牧或為刺史皆管郡隋初

土州有刺史長史司馬錄事參軍功曹戶曹兵曹等

參軍事法曹士曹等行參軍典籤州郡光初主簿郡

正主簿西曹書佐祭酒從事郡從事倉督市令丞

簿縣正功曹主簿西曹金戶兵法事等曹事令等佐

佐史員州郡皆為九等三年罷郡以州統縣改別駕

贊治為長史司馬舊州齊州郡縣職自州郡縣正以

下皆自調用以理事至是不知事直謂之鄉官別置

品皆是吏部選除佐官以曹為名者皆改為司十四

年改九等州縣為四等十五年罷鄉官煬帝三年罷

州置郡置太守罷長史司馬置贊治以貳之後又罷

通守改贊治為丞錄事以下並見于上

別駕一人 從四品下

長史一人 從五品上

司馬一人 從五品下

錄事參軍事一人 從七品上

錄事二人 從九品上 史三人

司功參軍事一人 從七品下 佐三人 史六人

司倉參軍事一人。從七品下。佐三人。史六人。
司戶參軍事二人。從七品下。佐三人。史七人。帳史一人。

司兵參軍事一人。從七品下。佐三人。史六人。

司法參軍事二人。從七品下。佐四人。史八人。

司士參軍事一人。從七品下。佐三人。史六人。

參軍事四人。

執刀十五人。

典獄十四人。

問事八人。

白直三十人。

市令一人。從九品上。丞一人。佐一人。史二人。

倉督二人。史四人。

經學博士一人。從八品下。助教二人。學生六十人。

醫學博士一人。正九品下。助教一人。學生十五人。

中州戶三萬以上刺史一人。正四品上。

別駕一人。正五品下。

長史一人。正六品上。

司馬一人。正六品下。

錄事參軍事一人。正八品上。

錄事一人。從九品下。史二人。

司功參軍事一人。正八品下。佐二人。史四人。

司倉參軍事一人。正八品下。佐二人。史四人。

司戶參軍事一人。正八品下。佐三人。史五人。帳史一

人。

司兵參軍事一人。正八品下。佐三人。史四人。

司法參軍事一人。正八品下。兼掌司佐三人。史六人。

參軍事三人。正九品下。

執刀十人。正八品下一人。史二人。

典獄十二人。

問事六人。

白直十六人。

市令一人。丞一人。佐二人。史二人。帥二人。

倉督二人。史三人。

經學博士一人。正九品上。助教一人。學生五十人。

醫學博士一人。從九品下。助教一人。學生十二人。

下州戶不滿三萬者為下州刺史一人。正四品下。別駕一人。從

五品下。

司馬一人。從六品上。

錄事參軍事一人。從八品上。

錄事一人從九品下史二人

司曹參軍事一人從八品下兼掌司功事佐二人史四人

司戶參軍事一人從八品下兼掌司兵事佐三人史五人

帳史一人

司法參軍事一人從八品上兼掌司士事佐二人史四人

參軍事二人從九品下

執刀十人

典獄八人一人正九品下二人史二人

問事四人

白直十六人

市令一人佐一人史一人帥二人

倉督一人史二人

經學博士一人正九品下助教一人學生四十人

醫學博士一人從九品下學生十一人

京兆河南太原牧及都督制史掌清肅邦畿攷覈官

吏宣布德化撫和齊人勸課農桑教諭五教每歲一

巡屬縣觀風俗問百姓錄囚徒恤鰥寡閱丁口務知

百姓之疾苦內有篤學異能聞於鄉閭者舉而進之

有不孝弟悖禮亂常不率法令者糾而繩之其吏在

官公廉正已清直守節者必察之其貪穢諂諛求名

徇私者亦謹而察之皆附于考課以為褒貶若善惡殊尤者隨即奏聞若獄訟之枉疑甲兵之徵遣興造之便宜符瑞之尤異亦以上聞其常則申于尚書省而已若孝子順孫義夫節婦志行聞于鄉閭者亦隨實申奏表其門閭若精誠感通則加優賞其孝悌力田者考使集日具以名聞其所部有須改更得以便宜從事若親王與州及邊州都督刺史不可離州局者應巡屬縣皆委上佐行焉

尹少尹別駕長史司馬掌貳府州之事以紀綱衆務通判列曹歲終則更入奏計

司錄錄事參軍掌付事勾稽省署鈔目糾正非違監守符印若列曹事有異同得以奏聞

功曹司功參軍掌官吏考課假使選舉祭祀禎祥道佛學校表疏書啓醫藥陳設之事凡差使先差州官不充取縣官率一半以上不充取前資官其上佐錄事參軍縣令不得充使出境凡州縣及鎮倉督縣博士助教中下州市令及縣市令嶽瀆祝史並州選各

四周而代州鎮倉督州縣市令取勳官五品以上及職資九品者若無通取勳官六品以下倉督取家世重大者為之州市令不得用本市內人縣市令不得用當縣人博士助教部內無者得於旁州通取縣錄事通取部內勳官五品以上若無堪在者并佐史通取六品以下子及白丁充之凡貢

舉人有博識高才。強學待問。無失俊選者。爲秀才。通二經以上者。爲明經。明閑時務。精熟一經者。爲進士。通達律令者。爲明法。其人正直清修。名行孝義。旌表門閭。堪理時務。亦隨實貢。爲孝悌力田。凡貢人。上州歲貢三人。中州二人。下州一人。若有茂才異等。亦不抑以常數。凡貢人行鄉飲酒之禮。牲用少牢。若州縣春秋二社。及釋奠之禮。亦皆以少牢。凡諸州每年任土所出藥物可用者。隨時收採。以給人之疾患。皆預寒時氣瘧痢等藥。部內有疾患者。隨須給之。倉曹司倉參軍掌公廨度量庖厨倉庫租賦徵收。田

園市肆之事。每歲據青苗徵稅。畝別二升。以爲義倉。以備凶年。將爲賑貸。先申尙書。待報然後分給。又歲豐則出錢。加時價而糴之。不熟則出粟。減時價而糴之。謂之常平倉。常與正義倉。帳具本利。申尙書省。戶曹司戶參軍掌戶籍計帳。道路逆旅。田疇六畜。過所蠲符之事。而剖斷人之訴競。凡男女婚姻之合。必辨其族姓。以舉其違。凡井田利害之宜。必止其爭訟。以從其順。凡官人不得于部內請射田地。及造碾磴。與人爭利。

兵曹司兵參軍掌武官選舉。兵甲器仗。門戶管鑰。烽

候傳驛之事

凡驛馬以驛字印印項右。遞字印印項左。

每歲貢武舉人有

智勇謀畧，強力悍材者，舉而送之，試長垛馬槍翹關

擊重，以為等第之上下，為之升黜。從文舉行鄉飲酒

之禮，然後申送。

法曹司法參軍掌律令格式，鞫獄定刑，督捕盜賊，糾

逃姦非之事，以究其情偽，而制其文法，赦從重，而罰

從輕，使人知所避，而遷善遠罪。

士曹司士參軍掌津梁舟車舍宅，百工眾藝之事，啓

塞必從其時，役使不奪其力，通山澤之利，以贍貧人。

凡州界內有出銅鐵處，官不採者，聽百姓私採煮鑄，得銅及白蠟，官為市取，如欲折充課役，亦聽之。其四

邊無問公私，不得置鐵冶及採銅。致瓌異之貨，以備

自餘山川藪澤之利，公私共之。凡知山澤有異寶異

國用，是以官無禁利，人無稽市。木及金玉銅鐵彩色

雜物處，堪供國用者，奏聞。參軍事掌出使檢校及導引之事。

市令丞掌市廛交易，禁斥非違之事。

經學博士以五經教授諸生。

醫學博士以百藥救療，平人有疾者，下至執刀白直，

典獄佐使，各有其職。州縣之任備焉。

萬年、長安、河南、洛陽、奉先、太原、晉陽，令一人，正五品

上。殷周已往，五等諸侯皆自理其人，及周衰，諸侯相併，大國則別置邑縣鄙，以君其人，齊晉謂之大夫。

魯衛謂之宰。楚為令尹。秦曰令長。漢書云：縣長皆掌理其縣。萬戶以上為令，秩千石至六百石。減萬戶為長，秩五百石。皆有丞尉，秩四百石至二百石。是為長史。百石以下有佐史之秩，為少史。漢京兆尹統長安令。後漢河南尹統洛陽令。魏晉以後皆因之。隋初兩京置四縣，增秩為正五品。皇朝因之而不改。天后時東都又置來庭、永昌二縣，以太原為北都，亦罷開元十一年置北都，以晉陽、太原為京縣。十七年巡陵，又以奉先同京縣。

丞二人從七品上 漢氏縣丞尉多以本郡人為之。三輔縣則兼用他郡。及隋氏革選，盡用他郡之人。漢以下皆一人。皇朝置京縣丞三員。北京、太原、晉陽各置一丞。

主簿二人從七品上 自漢以來主簿皆令長辟除。周隋長安縣令丞以下有功曹主簿。西曹兵曹戶法士等曹主簿。皇朝京縣置二人。太原與晉陽各一員。

錄事二人從九品下 隋長安縣置錄事二人。佐二人。史二人。

尉六人從八品下

漢氏長安有四尉，分為左右部。城東南置廣部尉，是為左部。城西北置明部尉，是為右部。並四百石。黃綬太冠，主追捕盜賊。伺察奸非。後漢洛陽置四尉，皆孝廉。作有東部、西部、南部、北部尉。魏氏因之。晉洛陽置六部尉，過江亦于建康置六部尉。宋齊梁陳並因之。北齊鄴縣亦置三尉。隋氏長安無尉，有正煬帝後置尉。皇朝武德初始置尉六人。

司功佐三人 史六人

司倉佐四人 史十人

司戶佐五人 史十人

司兵佐三人 史六人

司法佐五人 史十人

司士佐四人 史八人

典獄十四人

問事八人

白直十八人

博士一人助教一人學生五十人

京兆河南太原諸縣令各一人正六品上

丞一人正八品上主簿一人正九品上隋九等縣丞尉以下皆有以本縣

人爲之高宗始爲品官令吏部選授尉二人正九品下後漢置尉大縣二人小縣一人主捕盜賊三國晉宋之後並因之隋氏九等縣則上縣二人中上縣一人煬帝改爲縣正又爲書佐皇朝復爲縣尉畿縣戶不滿四千者亦置二人萬戶以上置三人諸州上縣令從六品上丞一人從八品上主簿一人從九品下尉二人從九品上中縣令一人七品上丞一人從八品上主簿一人從九品上尉一人從九品下縣滿四千戶增置一人中下縣令一人從七品上丞一人九

品上主簿一人從九品上尉一人從九品下縣令一人從七品下丞一人正九品下主簿一人從九品上尉一人從九品下

丞一人正八品下

注見上文

主簿一人正九品上

隋九等縣丞尉以下皆有光初功曹光初主簿功曹主簿西曹

金戶兵法士等曹佐及市令等員正九品下皆本縣人爲之高宗始爲品官令吏部選授

尉二人正九品下

錄事二人史三人

司功佐三人史五人

司倉佐四人史七人

司戶佐四人史七人長史一人

萬戶以上增置佐二人史四人帳史一人

司法佐四人史八人萬戶以上增置佐一人史二人

司士佐四人史八人典獄十人

問事四人

白直一人

市令一人佐一人史一人帥二人

經學博士一人助教一人學生四十人

諸州上縣令一人從六品上

丞一人從八品下

主簿一人正九品下

尉二人從九品下

錄事二人史三人

司戶佐四人史七人

司法佐四人史八人

典獄十人

問事四人

白直十人

市令一人佐一人史一人帥二人倉督二人

博士一人助教一人學生四十人

諸州中縣令一人正七品上

丞一人正九品上

人學五二十五人

萬戶以上增置佐二人史四人帳史一人

萬戶以上增置佐一人史二人餘同畿縣

人五武品不主簿一人從八品上

主簿一人從九品上

尉一人從九品下

錄事一人史二人

司戶佐三人史五人

四千戶增置佐一人
史二人帳史一人

司法佐三人史六人

四千戶增置佐
一人史二人

典獄八人

問事四人

白直八人

市令一人佐一人史二人帥二人倉督一人

博士一人助教一人學生二十五人

諸州中下縣令一人從七品上

丞一人正九品上

主簿一人從九品上

尉一人從九品下

錄事一人

司戶佐二人史四人帳史一人

司法佐二人史四人

典獄六人

問事四人

白直八人

市令一人佐一人史一人帥一人無市則闕

博士一人助教一人學生二十人

諸州下縣令一人從七品下

丞一人正九品下

主簿一人從九品上

尉一人從九品下

錄事一人

司戶佐二人史四人帳史一人

司法佐二人史四人

典獄六人縣令一人錄事一人

問事四人

白直八人

市令一人史一人帥二人無市則闕

博士一人助教一人學生二十人

京畿及天下諸縣令之職皆掌導揚風化撫字黎氓

敦四人之業崇五士之祠養鰥寡恤孤窮審察冤屈

躬親獄訟務知百姓之疾苦所管之戶量其資產類

其強弱定為九等其戶皆三年一定以入籍帳若五

九謂十九四十九五十三疾謂殘疾癆疾篤疾及中丁多少

貧富強弱蟲霜旱澇年收耗實過貌形狀及差科簿

皆親自注定務均齊焉若應收受之田皆起十月里
 正勘造簿曆十一月縣令親自給授十二月內畢至
 于課役之先後訴訟之曲直必盡其情理每歲季冬
 之月行鄉飲酒之禮六十以上坐堂上五十以下立
 侍于堂下使人知尊卑長幼之節若籍帳傳驛倉庫
 盜賊河隄道路雖有專當官皆縣令兼綜焉縣丞為
 之貳主簿掌付事句稽省署鈔目糾正非違監印給
 紙筆雜用之事
 錄事掌受事發辰檢句稽失
 縣尉親理庶務分判眾曹割斷追徵收率課調

博士專以經術教授諸生二分之月釋奠于先聖先
 師

大都護府大都護一人從二品 三人史四人

副大都護一人從三品

副都護二人正四品上 漢武帝開西域安其種落三

之宣帝時鄭吉為西域都護始立幕府都護之名自
 吉始也至章帝時廢西域都護令戊巳校尉領之魏
 晉之間有都護左右軍都護將軍之號遂廢都護之
 名皇朝永徽中始置安西大都護景雲二年又
 置單于都護開元初置北

庭都護令有單于副都護

長史一人正五品上 漢宣帝置西域都護長史一
 人自後不絕今單于則不置

司馬一人正五品下 漢武帝置護烏桓校尉護羌校
 尉各司馬二人元帝置戊巳校

尉亦置司馬一人皆都護司馬之任也

錄事參軍事一人正七品上

錄事二人從九品上史二人

功曹參軍事一人正七品下府二人史二人

倉曹參軍事一人正七品下府二人史二人

戶曹參軍事一人正七品下府三人史三人帳史一

人

兵曹參軍事一人正七品下府三人史四人

法曹參軍事一人正七品下府三人史四人

參軍事三人正八品下

單于惟有兵曹倉曹兩員

上都護府都護一人正三品

副都護二人從四品上

長史一人正五品上

司馬一人正五品下

錄事參軍事一人正七品下

錄事二人史三人

功曹參軍事一人從七品上府二人史二人

倉曹參軍事一人從七品上府二人史二人

戶曹參軍事一人從七品上府三人史三人帳史一

人

兵曹參軍事一人從七品上府三人史四人
參軍事三人從八品上

都護副都護之職掌撫尉諸蕃輯寧外寇覘候姦譎
征討攜離長史司馬貳焉諸曹如州府之職

上鎮將軍一人正六品下

鎮副一人正七品下魏有鎮東鎮西鎮南鎮北將軍之名晉宋以後皆因之隋有鎮

將鎮副皇

錄事一人史一人

倉曹參軍事一人從八品下職同諸州司倉佐一人史二人

兵曹參軍事一人從八品下佐二人史二人

倉督一人史二人

中鎮將一人正七品上

鎮副一人從七品上

錄事一人

兵曹參軍事一人正九品下佐三人史四人

倉督一人史二人

下鎮將一人正七品下

鎮副一人從七品下

錄事一人

兵曹參軍事一人從九品下佐一人史二人

倉督一人。史一人。

上戍主一人。正八品下。

副戍一人。從八品下。

左傳曰。齊侯使公子無虧戍曹。又使連稱管至父戍葵丘。至後。

魏孝文使趙遐為梁陳戍主。又王世榮為三城戍主。遇賊陷城。與戍副鄧元興等皆不屈節。被害。宋書云。劉德願為遊擊將軍。領石頭戍事。宋檀道濟以護軍領石頭戍事。宋齊以下至隋。皆有其官。皇朝因之。

佐一人。史二人。

中戍主一人。從八品下。史二人。

下戍主一人。正九品下。史一人。

鎮將鎮副掌鎮捍防守。總判鎮事。

錄事掌受事。句稽。

倉曹掌儀式倉庫。飲膳醫藥。付事句稽。省署鈔目。監

給紙筆。市易公廨之事。

兵曹掌防人名帳。戎器。管鑰。差點。及土木興造之事。

戍主戍副掌與諸鎮畧同。

五嶽四瀆令各一人。正九品上。

古者神祠皆有祀。及祭酒。或有史者。令蓋

皇朝所置

廟令掌祭祀及判祠事。

祝史掌陳設讀祝。行署文案。

齋郎執俎豆及灑掃之事。

上關令一人。從八品下。

按周禮有司關。上士二人。又有尹喜為關令。漢有甯成為

關都尉並其職也。隋代立制，皇朝因之。

丞二人，從九品上。皇朝置

錄事一人，府二人，史四人，典事六人，津吏八人。

中關令一人，正九品下。

丞一人，從九品下。

錄事一人，府二人，史二人，典事四人，津吏六人。

下關令一人，從九品下。

府一人，史二人，典事二人，津吏四人。土木典

關令掌禁末遊，伺奸慝。凡行人車馬出入往來，必據

過所以勘之。

丞掌付事，勾稽監印，省署鈔目，通判關事。

錄事掌受事發辰，勾檢稽失。

典事掌巡剡鋪及雜當。

津吏掌橋船之事，無津則不置。

唐六典載古者制度，備因革，成一王書，可為

後世標準。比緣兵火，所在闕文，械承乏永嘉。

得本于州學教授張公，同以白於太守徽學。

新安程公，一見肅然曰：周公之典，所謂設官

分職，以為民極，蓋具體矣。其階品有制，其尊

卑有序，其名官有義，公等能廣其傳，則朝廷

于焉若稽。搢紳于焉矩儀。士子于焉講究。一舉三得。不其偉歟。因命張公。校其訛闕。而棧募工。鏤板。幾年有成。乃句藏諸學。以傳久遠。資其直以養士。類云。紹興四年。歲次甲寅。七月。戊申朔。

左文林郎充温州州學教授張希亮校正

右宣教郎知温州永嘉縣主簿勸農公事詹

棧題誌

唐六典卷三十終 天保七年刊

學問所御版目錄

○經之部

賈弘所

御書物師

出雲寺金吾

五經白文	十一冊	六經正誤	宋毛居正撰	四冊	
文公易說	宋朱鑑撰	十冊	周易本義通釋	元胡炳文撰	七冊
周易本義辨證	清惠棟撰	三冊	周易本義附錄纂注	元胡一桂撰	四冊
易學啓蒙通釋	宋胡方平撰	二冊	書集傳纂疏	元陳櫟撰	六冊
書傳輯錄纂	汪元董鼎撰	五冊	詩傳遺說	宋朱鑑撰	三冊
詩集傳通釋	元劉瑾撰	八冊	詩集傳名物鈔	元許謙撰	八冊
詩經童子問	宋輔廣撰	五冊	儀禮圖	旁通圖一卷 宋楊復撰	八冊
禮記集說補正	清納蘭成德撰	九冊	大戴禮記	漢戴德撰	四冊
大戴禮記補註	清孔廣森撰	四冊	春秋釋例	晉杜預撰	十五冊
左氏傳補註	元趙汭撰	三冊	春秋名號歸一圖	羊表一卷 偽蜀馮繼先撰	一冊

孝經鄭註

漢鄭玄註
知不足齋本

一冊

四書白文

四冊

四書纂疏

宋趙順孫撰

十三冊

四書通旨

元朱公遷撰

六冊

四書輯釋

元倪士教撰

十四冊

四書章句集註附攷

清吳志忠撰

一冊

影宋鈔爾雅音圖

三冊

古本廣韻

宋陳彭年撰

五冊

集韻

宋丁度撰

十冊

古今韻略

清邵長蘅撰

五冊

九經補韻

宋楊伯岳撰

一冊

通叶集覽

清王鳴玉撰

二冊

說文真本

晉許慎撰

十冊

古本玉篇

梁顧野王撰

三冊

千祿字書

唐顏玄孫撰

一冊

五經文字附九經字樣

唐玄度撰
唐張參撰

四冊

字學七種

二冊

○史之部

稽古錄

宋司馬光撰

四冊

通鑑綱目

正編 宋朱子撰
續編 明商輅撰

六十冊
二十七冊

通鑑答問

宋王應麟撰

五冊

讀通鑑綱目條記

清李述來撰

十冊

唐鑑

宋范祖禹撰

五冊

故唐律疏議

唐長孫無忌等撰

十五冊

魏鄭公諫錄

唐王方慶撰
元翼思忠編

三冊

魏鄭公諫續錄

二冊

東華錄

清將良騏撰

十六冊

唐六典

唐玄宗御撰

八冊

漢官舊儀

補遺一卷 清紀昀等補遺
漢衛宏撰

一冊

官箴

宋呂本中撰

一冊

畫簾緒論

宋胡大初撰

一冊

州縣提綱

宋陳襄撰

一冊

三事忠告

廟堂一卷 風憲一卷 牧民一卷
元張養浩撰

一冊

牧民心鑑

明朱逢吉撰

一冊

自號錄

宋徐光溥撰

一冊

考亭淵源錄

明薛應旂撰

八冊

朱子年譜

并考異 附錄二卷
清王懋竑撰

七冊

八史經籍志

清姚首源撰

十七冊

四庫全書總目

清顧修撰

六冊

古今偽書考

清姚首源撰

一冊

彙刻書目

清顧修撰

十冊

石經考

清萬斯同撰

一冊

金石三例

清盧見曾編

四冊

救荒活民補遺書

明朱熊撰

二冊

廣輿古今鈔

清程失名

四冊

朝鮮史略

韓人撰

六冊

琉球國志略

清周煌撰

六冊

伊洛淵源錄

宋朱子撰

四冊

○子之部

新書

漢賈誼撰

三冊

影宋本中說

隋王通撰
宋阮逸註

一冊

顏氏家訓

北齊顏之推撰

四冊

崇正辨

宋胡寅撰

三冊

閑闌錄

明程瞳撰

四冊

省心雜言

宋陳李邦獻撰

一冊

自驚編

宋趙善瑯撰

六冊

傅子

晉傅玄撰

一冊

迂書

宋司馬光撰

一冊

帝範

唐太宗御撰

一冊

歷代君鑑

明景泰御撰

十冊

晁氏儒言

宋晁說之撰

一冊

晁氏客語

同上

一冊

讀朱隨筆

清陸隴其撰

四冊

畜德錄

明陳沂撰

十冊

小學白文

二冊

近思錄

四冊

孔子集語

清孫星衍撰

六冊

從政名言

明薛瑄撰

一冊

溫公家範

宋司馬光撰

二冊

讀書分年日程

元程端禮撰

二冊

塾講規約

清施璜撰

一冊

呂氏童蒙訓

宋呂本中撰

一冊

兼明書

代邱光庭撰

二冊

造化經綸

明趙謙撰

一冊

冑繁錄

宋趙叔向撰

一冊

農書

元王禎撰

一冊

耕織圖

清康熙御撰

二冊

內訓

明徐右撰

一冊

女訓

明蔣右撰

一冊

鄭志

本集附
漢鄭玄撰

一冊

攷古質疑

宋葉大慶撰

二冊

洞天清祿集

宋趙希鵠撰

一冊

蘓氏演義

唐蘇鷄撰

一冊

方言藻

李調元撰

一冊

世說新語

宋劉義慶撰

六冊

續世說新語

唐李匡撰

五冊

唐世說語

唐劉肅撰

三冊

孫子

清孫星衍校正

一冊

吳子

同上

一冊

六韜 同上 二冊 司馬法 同上 一冊

老子道德經攷異 二冊 周易參同契攷異 附陰符經攷異 宋朱子撰 一冊

唐伯虎畫譜 明唐寅撰 一冊 學畫淺說 明王穉撰 一冊

純正蒙求 明胡炳文撰 三冊 三字經訓詁 一冊

小四書 名物蒙求 性理字訓 歷代蒙求 史學提要 四冊 編珠 補遺二卷 隋杜公瞻撰 續二卷 清高士奇續補 六冊

文選錦字錄 明凌迪知撰 十冊 楚騷綺語 明張之象撰 三冊

硯箋 合刻 宋高似孫撰 宋晁說之撰 一冊

○集之部

琴操 漢蔡邕撰 一冊 李文公集 唐李翱撰 四冊

韋蘇州集 唐韋應物撰 四冊 唐李長吉歌詩 唐李賀撰 三冊

元次山集 唐元結撰 四冊 白氏文集 唐白居易撰 三十冊

杜詩偶評 清沈德潛撰 三冊 皮氏文數 唐皮日休撰 三冊

韓詩集註 清顧嗣立撰 五冊 韓文 五六冊

柳文 宋呂祖謙撰 六冊 王半山詩箋注 八冊

古文關鍵 宋呂祖謙撰 四冊 毘陵集 唐令狐伋撰 五冊

文選心訣 附文章精義 元虞集編 一冊 崇古文訣 宋樓昉撰 八冊

文章軌範 真本 宋謝枋得撰 二冊 唐宋八大家文讀本 清沈德潛撰 十六冊

古詩選 十一冊 玉臺新詠集 陳徐陵撰 二冊

唐百家詩選 宋王安石選 七冊 唐賢三昧集 清王士禎撰 三冊

御覽詩 唐令狐楚選 一冊 搜玉小集 一冊

篋中集 唐元結選 一冊 河嶽英靈集 唐殷璠選 二冊

國秀集 唐芮挺章選 一冊 中興感氣集 唐高仲武選 一冊

文調集 唐韋激選 五冊 極玄集 唐姚合選 一冊

三體詩法箋註 清高士奇撰 三冊 萬首唐人絕句 宋洪邁編 十六冊

聲畫集 宋孫紹遠撰 四冊 眾妙集 宋趙師秀撰 一冊

又玄集 唐李莊編 一冊 風雅翼 元劉履編 七冊

吟窻雜錄 唐陳應行編 十冊 唐宋千家詩選 宋劉克莊選 四冊

宋十五家詩選 清陳討編 十六冊 宋高僧詩選 宋陳起編 二冊

新編濂洛風雅 清張伯行編 四冊 明代選屑 明李本緯編 七冊

藏海詩話 宋吳可撰 一冊 誠齋詩話 宋楊萬里撰 一冊

古文關覽 宋吳可撰 四冊 眾妙集 宋趙師秀撰 一冊

和書 六冊 王半山詩集 宋王禹偁撰 八冊

扶桑略記 釋皇圓撰 十五冊 孝義錄 五十冊

扶桑略記 釋皇圓撰 十五冊 孝義錄 五十冊

